

Federacije Bosne i Hercegovine i rukovodilaca federalnih organa državne službe ("Službene novine Federacije BiH", br. 48/14, 77/14, 97/14 i 58/15), o čemu će se donijeti posebno rješenje.

V.

Komisija će postupak javne nabavke provoditi od dana donošenja rješenja o njenom imenovanju do okončanja svih poslova vezanih za javnu nabavku, koje joj u pisanoj formi povjeri ugovorni organ.

VI.

Ovo Rješenje stupa na snagu danom donošenja, a objavit će se u "Službenim novinama Federacije BiH".

Broj 07-23-1017/17

4. decembra/prosinca 2017. godine

Sarajevo

Ministrica

Dr. **Edita Đapo**, s. r.

(SI-1475/17-F)

FOND ZA ZAŠTITU OKOLIŠA FEDERACIJE BOSNE I HERCEGOVINE

1803

Na osnovu člana 27. stava 4. Zakona o Fondu za zaštitu okoliša Federacije Bosne i Hercegovine ("Službene novine Federacije BiH", broj 33/03), i člana 44. stav 3. Statuta Fonda za zaštitu okoliša Federacije Bosne i Hercegovine ("Službene novine Federacije BiH", broj 33/06), Upravni odbor Fonda za zaštitu okoliša Federacije Bosne i Hercegovine, na prijedlog direktora Fonda i uz saglasnost Federalnog ministarstva okoliša i turizma, na 13. sjednici održanoj dana 12.12.2017. godine, donio je

PRAVILNIK

O DODJELI SREDSTAVA IZ REVOLVING FONDA ZA PROJEKTE ZAŠTITE VODA I RECIKLAŽE OTPADA

DIO PRVI – Osnovne odredbe

Član 1.

- (1) Ovim Pravilnikom propisuju se kriteriji i mjerila za ocjenjivanje zahtjeva za finansiranje sredstvima iz Revolving fonda i opći uslovi finansiranja, te se definišu kvalifikovani projekti zaštite voda i reciklaže otpada za koje se mogu odobriti sredstva.

Član 2.

- (1) Sredstvima iz Revolving fonda raspolaže Fond za zaštitu okoliša Federacije Bosne i Hercegovine (u daljem tekstu: Fond) i ista odobrava korisnicima u skladu sa ovim Pravilnikom.
- (2) Sredstva iz Revolving fonda, u skladu sa finansijskim mogućnostima, bit će predviđena godišnjim i srednjoročnim Finansijskim planovima i programima rada Fonda.
- (3) Fond može udružiti svoja sredstva sa drugim domaćim i međunarodnim institucijama i tijelima.

Član 3.

- (1) Revolving fond je fond određenih novčanih sredstava uspostavljen od strane Fonda za zaštitu okoliša Federacije Bosne i Hercegovine za finansiranje unaprijed definisanih, odgovarajućih projekata iz domena zaštite voda i reciklaže otpada pod uslovima utvrđenim ovim pravilnikom.
- (2) Dodjela sredstava iz Revolving fonda će biti putem zajma ili kredita u zavisnosti od načina plasmana sredstava.

Član 4.

- (1) Korisnici sredstava Revolving fonda u smislu ovog Pravilnika mogu biti:
- a) pravne osobe (privredna društva, općine, gradovi, kantonalne uprave i komunalna preduzeća)

b) fizičke osobe registrovane za obavljanje djelatnosti (obrtnici).

- (2) Iznimno, u ime Korisnika koji nije finansijski samostalan zahtjev za finansiranje putem revolving fonda podnosi njegov osnivač/organ koji ga finansira, a koji će dalje biti evaluiran u smislu kreditne sposobnosti, sklopiti Ugovor o finansiranju sredstvima iz revolving fonda, te vraćati zajam.
- (3) Korisnici moraju imati sjedište na području Federacije Bosne i Hercegovine, ulagati sredstva u projekte u skladu sa članom 6. ovog Pravilnika i prema kriterijima i mjerilima propisanim ovim Pravilnikom.

Član 5.

- (1) Pojedini izrazi upotrijebljeni u ovom Pravilniku imaju sljedeće značenje:

- a) Kvalifikovani projekti zaštite voda su projekti smanjenja gubitaka vode u javnim sistemima, zahvati na popravkama i zamjenama opreme u postojećim vodovodnim sistemima, optimiziranje rada sistema i uvođenje mjerno regulacione opreme, racionalizacija korištenja voda u industriji, uštede u potrošnji vode i obradi vode pred upotrebu, što zavisi i od kvaliteta vode koja se zahvata, uvođenje mjera koje poboljšavaju upravljanje vodom u procesu, kao što je recikliranje, recirkulacija tehnološke vode, tehnološke izmjene ili modificiranje opreme, optimizacija postrojenja za prečišćavanje pitkih/otpadnih voda, ponovna upotreba oborinske i prečišćene vode/sive vode (čišćenje opreme i površina), zamjena postojeće opreme onom sa većom energijskom efikasnošću, obrada mulja iz postrojenja za tretman otpadnih voda, kompostiranje mulja, obrada mulja za potrebe dobivanja energije, korištenje oborinskih voda za pranje i navodnjavanje, sistemi za korištenje oborinskih voda sa javnih površina, ulica, parkirišta, dvorišta, krovova i sl., sistemi za korištenje oborinskih voda stambenih blokova, hotela, kampova, te komercijanih objekata.
- b) Kvalifikovani projekti reciklaže otpada su projekti recikliranja posebnih kategorija otpada (npr. PET ambalažnog otpada, stakla, otpada od električne i elektronske opreme, otpadnih baterija i akumulatora, otpadnih guma, otpadnih vozila, građevinskog otpada, kablova i sl), uspostava radionica za preradu i ponovno korištenje materijala/proizvoda za iste ili slične namjene, obrada organskog otpada – uspostava kompostana, obrada industrijskog mulja za dalje korištenje (građevinarstvo, poljoprivreda i sl.), obrada i proizvodnja energenta iz otpada, proizvodnja energije iz otpada.
- c) Grace period se definiše kao vremenski period od dana potpisivanja Ugovora o finansiranju Projekta, u kojem će Korisnik biti u obavezi plaćati samo ugovorom definisanu kamatu na odobrena sredstva, odnosno Korisnik neće u ovom periodu vraćati glavnice ugovorenog zajma ili kredita.
- d) Adekvatne kvalifikacije su kvalifikacije članova komisije koja vrši evaluaciju i bodovanje pristiglih zahtjeva, a koje odgovaraju prirodi projekta sa finansijskog, pravnog, tehničkog, okolišnog i drugih relevantnih gledišta.
- e) Minimalni uslovi za finansiranje su eliminatorni uslovi koje Korisnik mora zadovoljiti da bi se projekat mogao dalje ocjenjivati po drugim kriterijima.
- f) "Otvoreni" javni poziv je oblik pozivne procedure koji nije vremenski ograničen. Otvoren je do utroška finansijskih sredstava utvrđenih pozivom ili Odluke

Fonda o zatvaranju istog. Pristigli zahtjevi za finansiranje se evaluiraju u kontinuitetu, po njihovom primitku.

- g) "Ograničeni" javni poziv je oblik pozivne procedure sa ograničenim rokom za dostavu zahtjeva za finansiranje. Pristigli zahtjevi se evaluiraju nakon isteka roka za dostavu navedenog u javnom pozivu. Međusobno se upoređuju kroz dodjeljene im bodove i finansiraju shodno formiranoj rang listi do utroška finansijskih sredstava utvrđenih pozivom.

DIO DRUGI – Postupak dodjele sredstava

Poglavlje I - Uslovi dodjele sredstava iz Revolving fonda

Odjeljak A. – Vrsta projekata koji se finansiraju, minimalni uslovi

Član 6.

- (1) Sredstvima iz Revolving fonda finansiraju se putem zajma ili kredita projekti, programi i aktivnosti u svrhu investiranja u:
- smanje gubitaka vode u javnim sistemima, zahvate na popravkama i zamjenama opreme u postojećim vodovodnim sistemima, optimiziranje rada sistema i uvođenje mjerno regulacione opreme sa svrhom smanjenja gubitaka vode i sl.,
 - racionalizaciju korištenja vode u industriji, uštede u potrošnji vode i obradi vode pred upotrebu, što zavisi i od kvaliteta vode koja se zahvata, uvođenje mjera koje poboljšavaju upravljanje vodom u procesu, kao što je recikliranje, recirkulacija tehnološke vode i tehnološke izmjene ili modificiranje opreme,
 - optimizaciju vodovodnih i kanizacionih sistema, te postrojenja za prečišćavanje pitkih/tehnoloških/otpadnih voda, u smislu povećanja energijske efikasnosti i to kroz zamjenu postojeće opreme onom sa većom energijskom efikasnošću, ali i kroz obradu mulja iz postrojenja za tretman otpadnih voda za potrebe dobivanja energije,
 - korištenje oborinskih voda za tehnološke potrebe, pranje i navodnjavanje kroz sisteme za korištenje oborinskih voda sa javnih površina, ulica, parkirišta, dvorišta, krovova i sl., sisteme za korištenje oborinskih voda stambenih blokova, hotela, kampova, te komercijanih objekata,
 - reciklažu posebnih kategorija otpada (npr. PET ambalažnog otpada, stakla, otpada od električne i elektronske opreme, otpadnih baterija i akumulatora, otpadnih guma, otpadnih vozila, građevinskog otpada, kablova i sl), uspostavu radionica za preradu i ponovno korištenje materijala/proizvoda za iste ili slične namjene, obradu organskog otpada – uspostavu kompostana, obradu animalnog otpada i sl.,
 - obradu industrijskog mulja za dalje korištenje (građevinarstvo, poljoprivreda i sl.),
 - proizvodnju energenta iz otpada,
 - proizvodnju energije iz otpada.

Član 7.

- (1) Kvalifikovani projekti zaštite voda i reciklaže otpada moraju ispunjavati najmanje jedan od uvjeta:
- godišnje smanjenje gubitaka vode na projektovanom obuhvatu (postojeći vodovodni sistemi) min. 10%,
 - godišnje smanjenje zahvatanja vode min. 10%,
 - smanjenje potrošnje energije za najmanje 20%,
 - korištenje oborinske ili tehnološke vode za namjene za koje se koristila čista/pitka voda – izraženo u količini čiste/pitke vode koja se uštedila,

- reciklaža odnosno korištenje otpada kao sirovine sa izraženom količinom recikliranog i otpadnog materijala sa šifrom otpada, te daljeg plasmana,
- ponovno korištenje materijala/proizvoda za iste ili slične namjene sa izraženom količinom iskorištenih materijala/proizvoda, te daljeg plasmana,
- proizvodnja energenta iz otpada sa iskazanom količinom otpada i proizvedenog energenta iz otpada, kalorijskom vrijednosti energenta iz otpada, kao i tržišta na koje će se plasirati,
- proizvodnja energije iz otpada sa iskazanom količinom iskorištenog otpada, količinom energije koja će se na ovaj način proizvoditi, te uslovima korištenja/plasmana proizvedene energije.

Odjeljak B. – Evaluacija zahtjeva, kriteriji i uslovi za dodjelu sredstava

Član 8.

- Fond objavljuje javni poziv koji može biti "otvoreni" ili "ograničeni". Odluku o raspisivanju Javnog poziva donosi Upravni odbor Fonda na temelju usvojenog finansijskog plana za tekuću godinu, a na prijedlog direktora Fonda.
- Fond u pravilu objavljuje "otvoreni" poziv za dodjelu sredstava iz Revolving fonda.
- Zahtjevi za finansiranjem sredstavima iz Revolving fonda ocjenjuju se prema kriterijima i mjerilima propisanim ovim Pravilnikom.
- Fond može prije objavljivanja javnog poziva za dodjelu sredstava iz Revolving fonda, objaviti oglas o najavi istog u najmanje dva dnevna lista koja se izdaju na području Federacije Bosne i Hercegovine.
- Fond će blagovremeno putem svoje web stranice izvještavati o stanju raspoloživih sredstava po raspisanom "otvorenom" Javnom pozivu, kao i o njegovom zatvaranju.

Član 9.

- Osnovni kriteriji za evaluaciju zahtjeva pri dodjeli sredstava Revolving fonda su:
 - Finansijski kriteriji;
 - Tehnički kriteriji;
 - Socijalno-ekološki kriteriji.
- Najveći broj bodova koji se može dodijeliti Korisniku je 100. U skladu sa namjenom poziva za dodjelu sredstava definirat će se učešće navedenih kriterija do ukupnog broja od 100 bodova.
- Uslovi koje Korisnik pri evaluaciji treba zadovoljiti su:
 - Ispunjenje formalno-pravnih uslova poziva;
 - Zadovoljenje "minimalnih uslova za finansiranje";
 - Pozitivna ocjena Banke o bonitetu Korisnika;
 - Minimalno osvojenih 59,95 bodova.
- Uslovi iz stava (3) ovog člana su potrebni i dovoljni uslovi za dodjelu sredstava po "otvorenom" javnom pozivu. U slučaju "ograničenog" javnog poziva, dodjela sredstava se uz zadovoljavanje navedenih uslova vrši po rang listi projekata formiranoj prema dodijeljenim bodovima.
- Detaljni kriteriji, uslovi i mjerila za ocjenu zahtjeva za finansiranje, biće određeni za svaki Javni poziv posebno, a u skladu sa ovim Pravilnikom.

Član 10.

- Opći uslovi finansiranja iz sredstava Revolving fonda:
 - Minimalan iznos zajma po Projektu iz člana 3. je 10.000,00 KM;
 - Maksimalna zaduženost, u bilo kojem trenutku, po korisniku, uključujući sve finansirane projekte iz Revolving fonda je 500.000,00 KM;
 - Grace period: maksimalno do 12 mjeseci;

- d) Rok otplate zajma: do 7 godina uključujući i grace period;
- e) Kolateral: Ugovorom se utvrđuju odgovarajući instrumenti osiguranja plasmana sredstava Fonda za svaki pojedini projekt, program i sličnu aktivnost u koji se ulažu sredstva Fonda, a koji mora biti prihvatljiv od strane Fonda;
- f) Kamatna stopa: od 0 do 4%;
- g) Subvencija u vidu dodjele granta kao otpis potraživanja, koja se ne isplaćuje iz sredstava RF-a: od 0 do 20% od vrijednosti zajma po projektu;
- h) Troškovi obrade zahtjeva za finansiranjem, plativi po odobrenju zahtjeva, a prije potpisivanja ugovora o zajmu: od 0 do 1,0%;
- i) Sredstva će se koristiti u namjenske svrhe u skladu sa članom 6. ovog Pravilnika;
- j) Minimalno vlastito učešće: od 0 do 20%;
- k) Interna stopa rentabilnosti projekta kojim se aplicira $IRR \geq 5\%$;
- l) Diskontovani period povrata projekta kojim se aplicira je +50 % od projektom prijavljenog perioda povrata kreditnih sredstava (god.);
- m) Neto sadašnja vrijednost projekta kojim se aplicira $NPV \geq 0$.
- (2) Uslovi i način dodjele subvencije u vidu granta, alineja g), stav 1 ovog člana će biti definirani posebnim aktom Fonda.
- Član 11.
- (1) Fond u pozivu za dodjelu sredstava iz Revolving fonda određuje tip Javnog poziva, te u slučaju da se radi o "ograničenom", propisuje rok koji ne može biti kraći od 15 dana i duži od 60 dana u kojem su podnosioci zahtjeva za dodjelu sredstava iz Revolving fonda dužni dostaviti dokumentaciju kojom dokazuju ispunjenost kriterija i mjerila iz ovog Pravilnika. U slučaju "otvorenog" poziva, pristigli zahtjevi se ocjenjuju kontinuirano, po prispjeću, do utroška finansijskih sredstava predviđenih pozivom ili donošenja Odluke Fonda o zatvaranju istog.
- (2) Postupak evaluacije i bodovanja pristiglih zahtjeva u skladu sa ovim Pravilnikom provode Komisije koje rješenjem imenuje direktor Fonda. Rješenjem se utvrđuje sastav Komisija sa adekvatnim kvalifikacijama, zadaci i rokovi rada, kao i druga pitanja bitna za rad Komisija.
- (3) Neblagovremene zahtjeve, tj. zahtjeve podnesene izvan zadanog roka u slučaju "ograničenog" poziva, odnosno nakon utroška sredstava ili Odluke Fonda o zatvaranju istog u slučaju "otvorenog" poziva, Fond neće uzeti u razmatranje.
- (4) Ako podnosilac zahtjeva dostavi aplikaciju koja ne ispunjava formalno-pravne uslove poziva, zahtjev se odbacuje.
- (5) Ako podnosilac zahtjeva dostavi aplikaciju koja po ocjeni Komisije ne zadovoljava "minimalne uslove za finansiranje", zahtjev se odbacuje.
- (6) Ako podnosilac zahtjeva dobije negativnu ocjenu Banke o bonitetu Korisnika, zahtjev se odbacuje.
- (7) Ako podnosilac zahtjeva po ocjeni Komisije, a prema zadanim kriterijima, dobije manje od 59,95 bodova, zahtjev se odbacuje.
- (8) Fond zadržava pravo da zatraži dodatna pojašnjenja, ukoliko smatra da iz prethodno dostavljene dokumentacije nije jasno da li su uslovi za dodjelu sredstava iz Revolving fonda ispunjeni u cijelosti, te će u tom slučaju odrediti i dodatni rok za dostavljanje pojašnjenja. Dodatna pojašnjenja ne smiju suštinski mijenjati dostavljenu aplikaciju.
- (9) Na osnovu provedenog postupka evaluacije i bodovanja pristiglih zahtjeva Komisije će izraditi izvještaj koji će sadržavati sve bitne informacije o toku postupka evaluacije, radu Komisija, bodovanju projekta, odnosno i rang listu zaprimljenih zahtjeva prema bodovima u slučaju "ograničenog" postupka, i dostaviti Direktor Fonda.
- (10) Direktor Fonda, u roku od 7 dana od prijema izvještaja, daje prijedlog dodjele sredstava zajma za uspješan projekt, odnosno prema rang listi (u slučaju "ograničenog" postupka) u traženom iznosu, a sve do utroška sredstava raspoloživih prema Finansijskom planu Fonda za ove namjene.
- Odjeljak C. – Odluka o odobrenju sredstava**
- Član 12.
- (1) Odluku o odobrenju sredstava iz Revolving fonda na temelju objavljenog poziva donosi Upravni odbor, a na prijedlog direktora Fonda.
- (2) Upravni odbor donosi odluku o odobrenju sredstava u roku do 15 dana od dana dostavljanja prijedloga direktora Fonda.
- (3) Fond će, o Odluci Upravnog odbora, obavijestiti sve podnosioc zahtjeva uz ostavljanje roka od 5 dana od prijema obavijesti za eventualne prigovore.
- (4) Za potrebe razmatranja prigovora direktor Fonda imenuje Komisiju za prigovore.
- (5) Komisija za prigovore razmatra osnovanost prigovora.
- (6) Izvještaj o izvršenom pregledu i ocjeni aplikacija po prigovorima se dostavlja direktoru na dalje postupanje.
- (7) Na temelju prijedloga direktora po prigovorima Upravni odbor donosi odluku koja je konačna.
- Član 13.
- (1) Na temelju odluke Upravnog odbora Fonda iz člana 12. ovog Pravilnika, a najkasnije u roku do 30 dana, od pismenog obavještenja Korisnika o odluci o odobrenju finansijskih sredstava, s Korisnikom se sklapa ugovor o korištenju sredstava Fonda.
- (2) Ugovorom iz stava 1. ovog člana utvrđuje se iznos odobrenih sredstava iz Revolving fonda, uslovi i način korištenja, način praćenja namjenskog korištenja odobrenih sredstava, način i uvjeti otplate zajma, te se uređuju ostala prava i obaveze u svrhu realizacije ugovora.
- (3) Ugovorom se definiše rok za dostavu potpune dokumentacije i početak provedbe projekta, te početak povlačenja sredstava, koji ne može biti duži od "grace" perioda, odnosno najduže godinu dana od datuma potpisa ugovora.
- (4) Ukoliko u trajanju ugovorenog "grace" perioda Korisnik ne počne povlačiti sredstva, te ne dostavi dokaze da je poduzeo sve radnje u cilju realizacije ugovora, pristupit će se raskidu ugovora, o čemu se isti obavještava od strane Fonda.
- (5) Fond ima pravo uvida u svu dokumentaciju vezanu za osiguranje preduvjeta za realizaciju projekta, te učestvuje u nadzoru realizacije projekta i namjenskog korištenja sredstava koja je dodijelio.
- (6) Fond će odobrena sredstva stavljati na raspolaganje korisniku prema fazama ulaganja i ispostavljenim situacijama.
- (7) Sredstva iz Revolving fonda plasirana će se direktno putem Fonda po, zakonu i podzakonskim aktima, utvrđenoj proceduri ili putem angažmana Banke kao posrednika u dodjeli sredstava iz Revolving fonda.
- (8) Fond za vrijeme trajanja sklopljenog ugovora pridržava pravo praćenja namjenskog korištenja sredstava Fonda i uvjeta koje je odabrani korisnik morao ispunjavati, a koji su bili temelj za odobrenje sredstava i sklapanje ugovora.

- (9) Ako se u postupku praćenja i nadzora nad namjenskim trošenjem sredstava Fonda i izvršavanjem ugovorenih prava i obaveza utvrdi potreba za posebnim stručnim znanjima i iskustvima kojima Fond ne raspolaže, direktor Fonda može obavljanje navedene kontrole povjeriti jednoj ili više stručnih osoba, odnosno stručnoj organizaciji.
- (10) Fond prati korištenje sredstava iz RF koja je dodjelio za projekte zaštite voda i reciklaže otpada, te nadzire njihovo namjensko korištenje na osnovu ugovora kako slijedi:
- Praćenjem na bazi redovnog izvještavanja, u svako vrijeme na zahtjev Fonda i u rokovima utvrđenim ugovorom;
 - Kontrolom na bazi zahtjeva za realizaciju plaćanja koji uključuje izvještaj i ostalu prateću dokumentaciju;
 - Vanrednom kontrolom putem ovlaštene osobe;
 - Kontrolom završnog izvještaja koji se dostavlja najkasnije 15 dana po završetku ulaganja,
 - Redovnim izvještavanjem Fonda o ostvarenim rezultatima projekata nakon provedenih aktivnosti koje su predmet ugovora i to u periodu od 5 godina po završetku ulaganja.
- (11) Korisnik sredstava dužan je bez odgađanja izvijestiti Fond o:
- svim mogućim odstupanjima od ugovorenog ulaganja,
 - svakoj situaciji koja sprječava ili odugovlači tok radova, odnosno ostvarivanje ulaganja te o mjerama za otklanjanje uzroka,
 - statusnim i drugim bitnim organizacionim i kadrovskim promjenama koje mogu utjecati na tok ulaganja,
 - drugim pitanjima utvrđenim ugovorom.
- (12) Za slučaj nenamjenskog korištenja sredstava korisnik je dužan iznos nenamjenski utrošenih sredstava vratiti Fondu zajedno s pripadajućom zakonskom zateznom kamatom tekućom od dana prijema sredstava, pa do dana povrata na račun Fonda.
- (13) U slučaju neplaćanja dospjelih obaveza po zajmu, Fond će upotrijebiti instrument osiguranja radi naplate.
- DIO TREĆI – prelazne i završne odredbe**
- Član 14.
- Ukoliko su materijalne ili proceduralne odredbe koje uređuje ovaj Pravilnik u suprotnosti sa odredbama drugih podzakonskih akata Fonda, primjenjuju se odredbe ovog Pravilnika.
 - Fond odobrava sredstva iz Revolving fonda u pozivnoj proceduri koja je uređena Pravilnikom o postupku objavljivanja konkursa i o odlučivanju o odabiru korisnika sredstava Fonda za zaštitu okoliša Federacije Bosne i Hercegovine ("Službene novine Federacije BiH", broj 74/17), isključujući pitanja postupka koja su ovim Pravilnikom drugačije uređena.
 - Na sve što nije regulisano ovim Pravilnikom na odgovarajući način će se primjenjivati odredbe zakona i drugih akata Fonda.
- Član 15.
- Sastavni dijelovi ovog Pravilnika su i sljedeći prilozi:
PRILOG A: Metodologija evaluacije
A.1: Ispunjenost formalno-pravnih uslova podnesenog zahtjeva
A.2: Minimalni uslovi za finansiranje
A.3: Evaluacioni kriteriji
A.3.1: Finansijski kriteriji
A.3.2: Tehnički kriteriji
A.3.3: Socijalno-ekološki kriteriji
A.4: Izvođenje prosječne ponderirane ocjene.
- Član 16.
- Ovaj Pravilnik stupa na snagu danom objavljivanja u "Službenim novinama Federacije BiH".
- Broj UO-01-3-13-13-2/2017
12. decembra/prosinca
2017. godine
Sarajevo
- Predsjednik
Upravnog odbora
Mr. **Pero M. Goluža**, s. r.

8.3.3. PRILOG A – METODOLOGIJA EVALUACIJE**B.1: ISPUNJENOST FORMALNO-PRAVNIH USLOVA PODNESENOG ZAHTEJEVA**

1. Popunjen Zahtjev za prijavu projekta na Javni konkurs;
2. Popunjen obrazac finansijskog pregleda projekta;
3. Popunjen obrazac dinamičkog pregleda projekta;
4. Izjava Korisnika o prihvatanju uslova finansiranja projekta sredstvima Revolving fonda propisanih ovim Javnim konkursom i općim aktima Fonda;
5. Izjava Korisnika o visini sredstava s kojima Korisnik učestvuje u realizaciji projekta;
6. Dokaz o registraciji kod nadležnog suda, tj. aktuelni izvod iz sudskog registra ili kod nadležnog organa u zavisnosti gdje je subjekt registrovan;
7. Uvjerenje o poreskoj registraciji, i to:
 - a. ID obrazac;
 - b. PDV broj, za aplikante koji su PDV obveznici, a ako nisu o tome se dostavlja uvjerenje Uprave za indirektno oporezivanje;
8. Izjava Korisnika da će se pribavljanje usluga/roba/radova izvršiti u skladu sa ZJN (ovu izjavu dostavljaju Korisnici koji su obavezni primjenjivati ZJN. U slučaju da se radi o pravnom licu koje nije obavezno primjenjivati ZJN, dostavlja se Izjava o istom);
9. Izjava Korisnika da je spreman obezbjediti instrument osiguranja u skladu sa zaključenim ugovorom;
10. Izjava Korisnika/potvrda nadležnog organa da Korisnik nije pod stečajem ili pred likvidacijom, ili je ušao u određen aranžman s povjerenicom, ili je obustavio ili ograničio poslovne aktivnosti, ili je u analognoj situaciji koja prističe iz sličnog postupka u skladu sa relevantnim zakonima i propisima u FBiH – odnosi se na privredne subjekte;
11. Izjava Korisnika/potvrda nadležnog organa da Korisnik nije predmet postupka za proglašenje stečaja, za izdavanje naloga za prisilnu likvidaciju ili postizanje sporazuma/aranžmana s povjericima, ili bilo kojeg sličnog postupka u skladu sa relevantnim zakonima i propisima u FBiH – odnosi se na privredne subjekte;
12. Uvjerenja o izmirenim poreskim obavezama – Poreske uprave i Uprave za indirektno oporezivanje. Ukoliko postoji poseban dokument o reprogramiranju otplate duga, isti je neophodno dostaviti;
13. Priložen original i kopija;
14. Ostala dokumentacija tražena Javnim konkursom;
15. Dokumentacija uvezana.

B.2: MINIMALNI USLOVI ZA FINANSIRANJE

Minimalni uslovi za finansiranje	DA	NE
1. Projekat zadovoljava kvalifikacione zahtjeve u ovisnosti od tipa projekta: <ul style="list-style-type: none"> • smanjenje gubitaka vode na projektovanom obuhvatu (postojeći vodovodni sistemi) min. 10%, • smanjenje zahvatanja vode, min. 10%, • smanjenje potrošnje energije za najmanje 20%, • osigurano korištenje oborinske ili tehnološke vode za namjene za koje se koristila čista/pitka voda, • ponovno korištenje materijala/proizvoda za iste ili slične namjene, te dalji plasman, udio iskorištenog materijala/proizvoda $\geq 50\%$ od obrađenog; • reciklaža odnosno korištenje otpada kao sirovine sa izraženom planiranom količinom recikliranog i otpadno materijala sa šifrom otpada, te dalji plasman, udio iskorištenog otpada $\geq 30\%$ od obrađenog, • proizvodnja energenta iz otpada sa iskazanom planiranom količinom proizvedenog energenta iz otpada i tržišta na koje će se plasirati, • proizvodnja energije iz otpada sa iskazanom količinom otpada kao sirovine, planiranom količinom energije koja će se na ovaj način proizvoditi, te USLOVI korištenja/plasmana proizvedene energije. 		
2. Visina investicije je u okvirima koji su predviđeni konkursnim uslovima		
3. Visina sopstvenog učešća aplikanta u investiciji je u konkursom predviđenim okvirima i podnijeta je odgovarajuća ovjerena izjava u tom iznosu.		
4. Interna stopa prinosa (IRR) projekta je minimalno 5% (IRR \geq 5%).		
5. Diskontovani period povrata investicije (do + 50% od projektom prijavljenog perioda povrata kreditnih sredstava u godinama).		
6. Neto sadašnja vrijednost projekta (NPV) kojim se aplicira ≥ 0 .		
7. Dostavljena je sva dodatna obavezna dokumentacija zahtjevana konkursom.		

B.3: EVALUACIONI KRITERIJI

B.3.1: FINANSIJSKI KRITERIJI	
S.1.1. Kriteriji projekta	Maksimalan broj bodova
1. NPV (neto sadašnja vrijednost) ≥ 0 -Ukoliko se provodi ograničeni postupak projekt sa maksimalnim NPV će dobiti 20 bodova, a ostali projekti će se proporcionalno bodovati u odnosu na taj projekt. -Projekti sa NPV=0 dobivaju 10 bodova.	20
2. Interna stopa prinosa IRR. IRR = 5%: 15 bodova 5% < IRR \leq 15%: 20 bodova	30

15% < IRR ≤ 20%: 25 bodova, IRR > 20%: 30 bodova.	
3. Diskontovani period povrata investicija (DPP) (do + 50% od projektom prijavljenog perioda povrata kreditnih sredstava u godinama (x)). X – prijavljeni period povrata kreditnih sredstava (max period povrata kreditnih sredstava je 7 godina) DPP > X do + 50%: 15 bodova, DPP = X: 20 bodova, DPP < X: 30 bodova.	30
6. Udio sopstvenog učešća u investiciji. (K,%) – konkursom definisan finansijski udio aplikanta, a = K: 10 bodova, K < a ≤ 20 %: 15 bodova, a > 20%: 20 bodova.	20
Rezultat	100
3.1.2. Kriteriji Korisnika	Broj bodova
	DA NE
Pozitivna ocjena o kreditnoj sposobnosti Korisnika	100 0
Rezultat	100

Kriteriji	Broj bodova	Ponder	Total
Finansijski kriterij projekta		50	
Finansijski kriterij Korisnika		50	
Ukupan rezultat Finansijskog kriterija			

B.3.2: TEHNIČKI KRITERIJI	
Kriteriji	Maksimalan broj bodova
3.2.1. Godišnje smanjenje gubitaka vode (ZV- SG) na projektovanom obuhvatu. 10% do 30% : 15 bodova, 30 % - 60% : 30 bodova, >60 % : 40 bodova, ili	40
3.2.1. Godišnje smanjenje zahvatanja vode (ZV- SZV): 10-30% : 15 bodova, 30 % - 50% : 30 bodova, >50 % : 40 bodova, ili	40
3.2.1. Smanjenje potrošnje energije (ZV - SPE): 20% : 15 bodova, 20 % - 50% : 30 bodova, >50 % : 40 bodova, ili	40
3.2.1. Osigurano korištenje oborinske ili tehnološke vode za namjene za koje se koristila čista/pitka voda – izraženo u predviđenim količinama oborinske ili tehnološke vode. (ZV - KOTV) 15 bodova : slabo mjerljivi parametri iskazani u projektu, 15-30 bodova : dobro razrađen tehnološki projekt sa mjerljivim parametrima, 30 - 40 bodova: veće uštede pitke vode, sistemi za iskorištenje tehnoloških/oborinskih voda sa detaljno razrađenim benefitom. ili	40
3.2.1. Osigurana reciklaža odnosno korištenje otpada kao sirovine sa izraženom količinom recikliranog i otpadnog materijala sa šifrom otpada (T), te daljeg plasmana (RO - RO): 15 bodova = 30 % iskorištenog otpada kao sirovine 15- 39 bodova : 30-50 % iskorištenog otpada (T) kao sirovine za proizvodnju novog proizvoda. 40 bodova : > 50% iskorištenog otpada (T) kao sirovine za proizvodnju novog proizvoda ili	40
3.2.1. Osigurano ponovno korištenje materijala/proizvoda za istu ili sličnu namjenu sa izraženom količinom materijala/proizvoda (kg/kom u ovisnosti šta je primjenjivo), te daljeg plasmana (RO - PK) 15 bodova = 50 % iskorištenih materijala/proizvoda 15- 39 bodova : 50-80 % iskorištenih materijala/proizvoda. 40 bodova : > 80% iskorištenih materijala/proizvoda	40
3.2.1. Osigurana proizvodnja energenta iz otpada sa jasno iskazanom količinom i kvalitetom proizvedenog energenta i tržišta na koje će se plasirati (RO-PEO), 15 bodova : niska kalorijska vrijednost energenta iz otpada (do 6 MJ/kg), 15- 39 bodova: 6-22 MJ/kg, 40 bodova : ≥ 23 MJ/kg, ili	40
3.2.1. Osigurana proizvodnja energije iz otpada sa jasno iskazanom količinom otpada koji će se koristiti kao energent (RO-EO). • Rangiranje po predviđenoj potrošnji otpada kao energenta (T). • Prikazati predviđene količine proizvedene energije. • Ako je primjenjen ograničen postupak konkursa projekt sa prikazom najvećom količinom potrošnje otpada kao energenta boduje se sa 40 bodova. Svi ostali projekti se boduju proporcionalno.	40

- Ako je primjenjen otvoreni postupak konkursa svi projekti u kojima su jasno iskazane količine utroška otpada kao energenta nose 40 bodova. Projekti u kojima nije moguće jasno sagledati količine, postupak i vrste otpada koji će se koristiti kao energent nose 15 bodova.	
3.2.2. Stupanj spremnosti za početak radova (projektna, investicijska dokumentacija, jasan poslovni plan, saglasnosti (vodna i sl.), dozvole (gradevinska, okolinska i dr.), provedena procedura ispitivanja okolišnih benefita ili tržišta): a. Odličan – 1; b. Vrlo dobar - 0,6; c. Zadovoljava - 0,3.	40
3.2.3. Pouzdanost tehničkih kalkulacija i parametara: a. Odličan – 1; b. Vrlo dobar - 0,6; c. Zadovoljava - 0,3.	20
Rezultat	100

B.3.3: SOCIJALNO-EKOLOŠKI KRITERIJI	
Kriteriji	Maksimalan broj bodova
3.3.1. Podizanje kvaliteta okoliša u urbanim sredinama, zaštićenim područjima, zaštita izvorišta: a. Odličan – 1; b. Vrlo dobar - 0,6; c. Zadovoljava - 0,3.	30
3.3.2. Pобољшanje usluga snabdijevanja vodom ili upravljanja otpadom, racionalizacija korištenja vode u tehnološkim procesima ili javnom korištenju ili stvaranje novog proizvoda/energenta: a. Odličan – 1; b. Vrlo dobar - 0,6; c. Zadovoljava - 0,3.	40
3.3.3. Razvoj nerazvijenih područja, povećanje broja zaposlenih, socijalna osjetljivost korisnika: a. Odličan – 1; b. Vrlo dobar - 0,6; c. Zadovoljava - 0,3.	30
Rezultat	100

B.4: UKUPAN PONDERISANI REZULTAT PROJEKTA

Kriteriji	Broj bodova	Ponder	Total
Finansijski		50	
Tehnički		40	
Socijalno-ekološki		10	
Ukupan rezultat projekta			

1804

Na osnovu člana 27. stav 4. Zakona o Fondu za zaštitu okoliša Federacije Bosne i Hercegovine ("Službene novine Federacije BiH", broj 33/03), i člana 44. stav 3. Statuta Fonda za zaštitu okoliša Federacije Bosne i Hercegovine ("Službene novine Federacije BiH", broj 33/06 i 1/15), Upravni odbor Fonda za zaštitu okoliša Federacije Bosne i Hercegovine, na prijedlog direktora Fonda za zaštitu okoliša Federacije Bosne i Hercegovine, a uz saglasnost Federalnog ministarstva okoliša i turizma, na 13. sjednici održanoj dana 12.12.2017. godine, donio je

PRAVILNIK**O IZMJENAMA I DOPUNAMA PRAVILNIKA O
DODJELI SREDSTAVA IZ REVOLVING FONDA ZA
PROJEKTE ENERGIJSKE EFIKASNOSTI**

Član 1.

U Pravilniku o dodjeli sredstava iz Revolving fonda za projekte energijske efikasnosti ("Službene novine Federacije BiH", broj 10/17) u članu 8. stav 3. dio ("Službene novine Federacije BiH", broj 75/10) mijenja se i glasi: ("Službene novine Federacije BiH", broj 74/17)".

Član 2.

U članu 10. stav 1. alineja i) dio ("Službene novine Federacije BiH", broj 75/10) mijenja se i glasi: ("Službene novine Federacije BiH", broj 75/10 i 74/17)".

Član 3.

Ovaj Pravilnik o izmjeni i dopuni Pravilnika o dodjeli sredstava iz Revolving fonda za projekte energijske efikasnosti stupa na snagu danom objavljivanja u "Službenim novinama Federacije BiH".

Broj UO-01-3-13-13-1/2017

12. decembra/prosinca
2017. godine
SarajevoPredsjednik
Upravnog odbora
Mr. **Pero M. Goluža**, s. r.

(SI-1477/17-F)

**AGENCIJA ZA NADZOR OSIGURANJA
FEDERACIJE BOSNE I HERCEGOVINE****1805**

Na osnovu čl. 74. i čl. 130. Zakona o osiguranju ("Službene novine Federacije BiH", broj 23/17) i člana 12. Statuta Agencije za nadzor osiguranja Federacije Bosne i Hercegovine ("Službene novine Federacije BiH", broj 84/17), Stručni savjet Agencije za nadzor osiguranja Federacije Bosne i Hercegovine, na 8. sjednici održanoj 24. 11. 2017. godine, donosi

PRAVILNIK**O MINIMALNIM STANDARDIMA ZA IZRAČUN
TEHNIČKIH REZERVA OSIGURANJA****I. OPĆE ODREDBE**

Član 1.

(Predmet)

Ovim Pravilnikom utvrđuju se metode i načini izračuna prijenosnih premija, metode i načini izračuna rezerve šteta društava za osiguranje, način obračuna matematičke rezerve, način utvrđivanja reosiguravajućeg dijela tih rezervi, metode i principi obračuna matematičke rezerve, osnovi obračuna matematičke rezerve i način uključivanja neamortizovanih troškova pribave osiguranja u obračun matematičke rezerve.

II. MJERILA ZA PRIJENOSNE PREMIJE

Član 2.

(Obaveza izračuna)

- (1) Društvo za osiguranje (u daljem tekstu: društvo) obračunava bruto prijenosne premije i prijenosne premije neto od reosiguranja po vrstama osiguranja za one ugovore o osiguranju kod kojih osiguravajuće pokriće traje i nakon kraja obračunskog perioda budući da se osiguravajući i obračunski periodi ne poklapaju.
- (2) Odredbe stava (1) ovog člana ne primjenjuju se na osiguranja za koje se računa matematička rezerva.

Član 3.

(Osnovica za izračun)

- (1) Osnovica za obračun bruto prijenosne premije neživotnih osiguranja je obračunata premija u obračunskom periodu.
- (2) Osnovica za obračun bruto prijenosne premije dodatnih osiguranja uz osiguranje života je naplaćena premija u obračunskom periodu.
- (3) Društvo koje obavlja poslove reosiguranja iskazuje rezerve za prijenosne premije po istom principu kao ostala društva.

Član 4.

(Dovoljnost)

- (1) Prijenosne premije moraju biti dovoljne za ispunjavanje razumno predvidivih obaveza koje će nastati nakon obračunskog perioda, a koje proizlaze iz ugovora o osiguranju i to za sve vrste osiguranja na koja se odredbe ovih mjerila odnose, a kojima se društvo bavi.
- (2) Ako primjenom metoda navedenih u ovim mjerilima uvjet iz stava (1) ovog člana nije zadovoljen ovlašteni aktuar je dužan povećati prijenosnu premiju do iznosa koji zadovoljava uvjet.

Član 5.

(Metode)

- (1) Prijenosna premija izračunava se po metodi pojedinačnog izračuna za svaki ugovor o osiguranju s tačnim vremenskim razgraničenjem (pro rata temporis) i to za:
 - a) osiguranja s ravnomjernom raspodjelom rizika u vremenu, pojedinačni obračun za svaki ugovor o osiguranju radi se po sljedećem obrascu:

$$BPP = BP \times \frac{d}{dOB}$$

BPP - bruto prijenosna premija

BP - osnovica za izračun bruto prijenosne premije u skladu s tačkom 2. ovih mjerila

d - broj dana nakon kraja obračunskog perioda do kraja trajanja osiguravajućeg pokrića

dOB - ukupan broj dana trajanja osiguranja

b) Osiguranja s neravnomjernom raspodjelom rizika u vremenu, odnosno za ugovore o osiguranju kod kojih se visina pokrića (rizik) mijenja u vremenu trajanja osiguranja, društvo obračun bruto prijenosne premije radi pojedinačno za svaki ugovor o osiguranju, uzimajući u obzir promjene visine pokrića tokom trajanja osiguranja i dužinu trajanja osiguranja.

Takvi ugovori pojavljuju se naročito kod:

- osiguranja građevinskih objekata u izgradnji,
- osiguranja objekata u montaži,
- osiguranja filmske djelatnosti,
- osiguranja ugovorne odgovornosti izvođača građevinskih ili montažnih poslova,
- osiguranja potraživanja (kredita).